

Tres dia di festival un canto pa Aruba y su Himno y Bandera

ORANJESTAD (AAN): E di diez cuatro festival un Canto pa Aruba y Su Himno y Bandera lo ta riba tres anochi den Aruba Entertainment Center y lo ser dedica na e compositor/areglista Sr. Tico Kelly kende ta forma parti di e agrupación musical Robert

Maduro y su alma folklorico. Alavez lo reconoce e jovencita Hylann Croes y Sr. Nino Giel q.e.p.d.

Fundacion Cultural di Festivalnan Folklore Dande y Himno y Bandera conhuntamente cu Comision Feria Patriotico y Ministerio Di Cultura a

yega na acuerdo pa organisa e festival dianan 5, 6, 7 y 8 di Maart.

Lo tin dos anochi di pre final cu ta Diahuebs 5 y Diabierna 6 di Maart hunto cu feria cultural. Diasabra no tin festival, pero feria patriotico tin 50 tent cu productonan

nacional, un dia grandi cu diferente actividad cuminsando door di 10 or di mainta te laat anochi cu bendemento di cuminda, cos dushi, artesanía, bandera di Aruba, flanel y diferente material y recuerdonan di Himno y Bandera. Diadomingo 8 di

Maart actividadnan ta cuminsa pa 10or di mainta, mientras cu pa 7 or di anochi lo tin e gran final di e festival un canto pa Aruba y Su Himno y Bandera.

Mirando cu actividadnan di carnaval ta den e ultimo siman, comision organizador a dicidi cu lo reuni Diadomingo 1 di Maart pa 3 or di atardi na Lally's Bar Restaurant na Cura Cabay cu e compositor areglista cantantenan y lo habri inscripcion for 3 or te cu 7 or di anochi, despues lo bay over na lot e agrupacionnan musical cu nan respectivo cantantenan pa e pre final di e dos anochinan menciona.

Durante e reunion mester presenta letra di e cancion na papiamento y e ritmo por ta: waltz, tumba, danza, mazurka, polka of foxtrot. Composicion mester ta dedica na nos Himno, nos idioma, folklore, tradicion, costumernan di antes y awor, nos cuminda criollo, parha, flora, fauna, panorama, Beach, nos lugarnan turistico, nos hendenan humilde, antepasadonan cu a lucha pa Aruba su libertad.

No ta permiti pa e composicion ta discriminatorio, ofensivo, insultante, menazante pa ningun persona. E composicion por tin protesta aden.

Ganador di e festival lo ricibi fuera di trofeonan un suma di 5 mil Florin, di dos lugar 1400 Florin, di tres lugar 800 Florin, di cuatro lugar 425 Florin y di cinco lugar e suma di 250 Florin. Tin trofeo pa e compositor/areglista/cantante for di prome te di diez lugar.

Por pasa busca e regla di e festival serca Harry Croes na Kas Ariba 3 of na oficina di Ministro di Cultura den Wilhelminastraat 6.

TELEFONAN DI DIARIO
582-6747 - FAX 582-8551